



## Universitätsbibliothek Paderborn

### Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm  
Patrvm Ac Doctorum Placitis Expressa ; In qua, quidquid tum ad fidei  
mysteria sanè ac rectè intelligenda, & ab erroribus quibusvis secernenda,  
tum ad sacramenta debitè conficienda & ministranda, tum ad actiones  
humanas iuxta ...

**Abelly, Louis**

**Coloniæ Agrippinæ, 1658**

II. Ad quænam res Christi scientia se extenderit.

**urn:nbn:de:hbz:466:1-38954**

qui frustra Christus intellectum agentem assumpsisse nisi per ipsum aliquid operatus fuisset; operatio autem propria intellectus agentis est, species à phantasmatibus abstrahere, & sic cognitionem & scientiam per illas species sic abstractas comparare, quæ scientia dicitur acquisita; unde sequitur scientiam illam acquisitam in Christo faisse.

## SECTIO II.

*Ad quasnam res Christi scientia se extenderit.*

**S**ensus questionis est, quasnam res Christus Dominus in statu viae cognoverit per triplicem illam scientiam quam diximus illum habuisse. Pro cuius resolutione Dicendum est 1. Christum Dominum per scientiam beatificam perfectius & clarius vidisse diuinam essentiam, quamlibet alia creatura videre possit, atque eò scientiâ illâ ceteris omnibus beatis sive Angelis sive hominibus longè præcelluisse; non tam diuinam conscientiam comprehendisse, nec comprehendere potuisse.

Prima huius assertionis pars constat ex eo, quod dicitur Apost. Ephes. i. Christum à Deo Patre constitutum ad diuinum dexteram in caelis, supra omnem Principatum, & testatem, & Virtutem, & Dominationem, & omne nomen, quoniam nominatur non solum in hoc seculo, sed etiam in futuro.

Secunda assertionis pars ex eo constat, quod uniusim SS. Patres afferunt nullum intellectum creatum posse diuinam essentiam comprehendere, ut S. Basilius contra Eunomium, S. Augustinus epist. 112. & plures alij, qui proinde intelligendum est etiam de humano Christi intellectu: cuius rei ratio est, quia nullus intellectus creatus cognoscere potest omnes effectus possibilis diuinæ omnipotentiae, cum sint infiniti; nullus etiam intellectus creatus cognoscere potest ipsam diuinam essentiam eo perfectionis gradu, quo est à se ipsa cognoscibilis.

Dic-

Dicendum 2. Christum Dominum per illam scientiam beatificam cognouisse omnia, quæcumque Deus cognoscit scientiâ (vt vocant) visionis; hoc est omnia, quæcumque actu sunt, fuerunt, vel futura sunt; ac proinde omnes & singulos homines, ac singulas cuiusque actiones, cogitationes, volitiones cum omnibus circumstantijs. Ita S. Thom. q. 10. a. 2. quod probat ex eo, quod unusquisque beatus in essentia diuina clare visa, cognoscet omnia, quæ ad ipsum spectant; ad Christum autem, & ad eius dignitatem quodammodo spectant omnia, in quantum omnia sunt ei subiecta, & præterea quia in quantum homo constitutus est à Deo omnium iudex; est autem proprium iudicis ea cognoscere, de quibus ferre iudicium debet.

Obijecies, Christum diem extremum iudicij non cognouisse, vt ipsem testatur S. Marc. 13. Resp. SS. Patres duplē illius loci afferre explicationem. Quidam enim (vt S. Athan. orat. cont. Arianos, S. Greg. Naz. orat. 4. de Theologia) explicant Christum Dominum, quatenus homo erat, naturali cognitione diem iudicij nescisse: alij (vt S. Bas. lib. 1. cont. Eunomium, S. Amb. lib. 5. ad Gratianum cap. 8. S. Aug. lib. 1. de Trinit. cap. 12. S. Hieron. in cap. 24. S. Matth. & S. Greg. lib. 8. regist. epist. 42.) volunt, Christum dixisse nescire se illum diem subintelligendo, vt Apost. declararet.

Dicendum 3. Christum Dominum per scientiam infusam perfectè cognouisse omnia siue naturalia, siue supernaturalia, quæ ab homine vel ab Angelo cognosci possunt, ac proinde omnia mysteria; omnes scientias tam speculatiuas quam morales, omnia denique naturaliter vel supernaturaler scibilia.

Hoc constat tum ex verbis Apost. dicentis in eo reconditos esse thesauros omnes sapientiæ ac scientiæ, tum etiam ex eo, quod omnimoda illa scientia competebat Christo, in quantum caput erat tam hominum quam Angelorum, ut infra dicetur; in capite siquidem præ ceteris membris vigere debent omnes sensus.

N 3

Dico

Dicendum 4. Christum Dominum per scientiam acquisitam ea omnia cognouisse, quæ ab homine natura-  
liter per lumen intellectus agentis cognosci possunt. Ita  
S. Thom. quæst. 12. a. 1. quod probat ex eo, quod nihil  
imperfectum fuit in Christo quantum ad animam; fuisse  
autem imperfecta hæc eius scientia, si secundum eam  
non sciueret omnia; quæ per illam sciri possunt.

Est autem obseruandum Christum Dominum ha-  
scientiam acquisitam non habuisse ab instanti concep-  
tus, ut docet S. Doctor art. 2. sed illam acquisuisse bi-  
nusso aliquo tempore spatio, idque ob admirabilem  
ingenij præstantiam; illum tamen (ut recte monet idem  
S. Doctor art. 3.) nihil unquam ab illo vel homine ne  
Angelo didicisse, sed per proprij ingenij virtutem scie-  
tiam illam ex rebus ipsis hausisse; cum enim & hominu-  
& Angelotum caput esset, eius dignitati non congrueba-  
ut quidquam ab illis addisceret.

Obiçies, constare ex Evangelio quod Christus Dominus  
homines aliquando interrogauit, & multa ab ijs qua-  
uit. Respondebat S. Doctor art. 3. ad 1. Christum Dominum  
homines aliquando interrogasse, non ut aliquid addi-  
ceret, sed ut interrogatos eruditaret.

## CAPVT VI.

### *De voluntate & merito Christi.*

#### SECTIO I.

*An Christi voluntas fuerit libera.*

**S**upponimus in Christo Domino fuisse non solum di-  
uinam sed etiam humanam voluntatem; siue nome-  
voluntatis sumatur pro facultate volendi, siue pro  
ipso astu volendi, primum enim constat ex eo, quod in  
Christo